



Cronfa Ffyniant Gyffredin y DU Cronfa Allweddol Pobl a Sgiliau

Canllaw i Ymgeiswyr

Mae'r Gronfa Allweddol Pobl a Sgiliau yn gyfle cyffrous i sefydliadau gynnal prosiectau yng Nghonwy a fydd yn cyfrannu at y Flaenoriaeth Fuddsoddi Pobl a Sgiliau gan gynnwys Lluosi o fewn Cronfa Ffyniant Gyffredin y DU.

Mae'r gronfa allweddol yn gallu cefnogi ceisiadau am grant rhwng £50,000 a £249,999. Drwy'r flaenoriaeth buddsoddi mewn pobl a sgiliau, gall sefydliadau wneud cais am gyllid i helpu i leihau'r rhwystrau y mae rhai pobl yn eu hwynebu i gyflogaeth a'u cefnogi i wella sgiliau rhifedd, symud tuag at gyflogaeth ac addysg. Gall sefydliadau hefyd wneud cais am gyllid i gefnogi datblygiad sgiliau, cyflogaeth a thwf lleol yn seiliedig ar yr anghenion a nodwyd yn Sir Conwy.

Pwyntiau allweddol:

- Bydd y gronfa yn ystyried ceisiadau ar gyfer unrhyw ymyrraeth dan Flaenoriaeth Fuddsoddi Pobl a Sgiliau y Gronfa Ffyniant Gyffredin
- Mae ymyraethau W34 – W53 yn berthnasol i'r gronfa hon a bydd ar brosiectau angen dangos sut maen nhw'n cyflawni'r canlyniadau a'r allbynnau cysylltiedig
- Rydym yn rhagweld ceisiadau gan ddarparwyr sefydledig sydd yn (ond heb fod yn gyfyngedig i): Sefydliadau Sector Gwirfoddol, Elusennau Cofrestredig, Sefydliadau Sector Cyhoeddus a Cholegau am grantiau o leiafswm o £50,000 a hyd at uchafswm o £249,999
- Mae hwn yn alwad agored am brosiectau yn Sir Conwy
- Mae'n rhaid talu am y prosiectau a'u cyflawni erbyn hydref 2024
- Gallwch ddefnyddio'r gronfa ar gyfer costau refeniw.
- Mae arian cyfatebol yn angenrheidiol
- Bydd yn rhaid i bob ymgeisydd gyflwyno ffurflen gais

Ariennir Cronfa Allweddol Pobl a Sgiliau gan Lywodraeth y DU drwy Gronfa Ffyniant Cyffredin y DU.

This document is also available in English

Pa gymorth grant sydd ar gael?

Gall grwpiau cymunedol a thrydydd sector wneud cais am hyd at 90% o gyfanswm cost eu prosiectau, hyd at uchafswm o £249,999.

Gall y sector cyhoeddus a sefydliadau mawr wneud cais am hyd at 80% o gyfanswm cost eu prosiectau, hyd at uchafswm o £249,999.

Bydd yn rhaid i'r ymgeiswyr ddangos sut maen nhw'n bwriadu ariannu'r elfen gyllid cyfatebol.

Gellir cwrdd â holl gostau'r prosiect dan amgylchiadau arbennig.

Ardal Gymwys

Mae'n rhaid i'r prosiectau hyn gael eu cyflawni yn Sir Conwy.

Beth fedrwn ni ei ariannu – Ymyraethau'r Gronfa Ffyniant Gyffredin

Bydd y gronfa yn ystyried ceisiadau ar gyfer unrhyw ymyraeth dan Flaenoriaeth Fuddsoddi Pobl a Sgiliau'r Gronfa Ffyniant Gyffredin (W34 -W43) a Lluosi (W44-W53). Bydd yn rhaid i geisiadau prosiectau ddangos sut maen nhw'n bwriadu cyflawni'r allbynnau a'r canlyniadau cysylltiedig.

Gellir defnyddio'r gronfa ar gyfer costau refeniw.

Fel rhan o'ch cais bydd gofyn i chi ychwanegu'r ymyraethau sy'n berthnasol i'ch prosiect yn ogystal â nodi'r allbynnau a'r canlyniadau y bydd eich prosiect yn eu cyflawni. Bydd yn rhaid i chi bennu targed ar gyfer y rhain gan wneud yn siŵr eu bod yn realistig, yn bosibl ac yn fesuradwy. Chi fydd yn gyfrifol am gasglu a chyflwyno'r dystiolaeth i gefnogi eich cais - cyfeiriwch at y Canllaw Dangosyddion am ragor o fanylion am beth sydd ei angen.

Ceir rhestr o'r holl ymyriadau ar ein gwefan— mae ymyriadau W34 – W53 yn berthnasol i'r gronfa hon.

Sylwch y gall ymyriadau Lluosi (W44-W53) gefnogi'r rhai 19+ oed nad oes ganddynt gymhwyster lefel 2 - sy'n cyfateb i TGAU Mathemateg C neu uwch.

Pwy all ymgeisio?

Rydym yn rhagweld ceisiadau gan ddarparwyr sefydledig sydd yn (ond heb fod yn gyfyngedig i):

- Sefydliadau Sector Gwirfoddol
- Elusennau cofrestredig
- Sefydliadau Sector Cyhoeddus, gan gynnwys Awdurdodau Lleol
- Colegau

Mae'n rhaid i bob ymgeisydd gael cyfansoddiad (neu debyg) a chyfrif banc.

Mae'n rhaid i'r ceisiadau fod dan enw sefydliad sydd â chyfrif banc a chyfansoddiad.

Beth na ellir ei ariannu:

- Ceisiadau gan unigolion neu geisiadau sy'n rhoi budd i un unigolyn yn unig;
- Unrhyw waith a ystyrir yn ddyletswydd statudol i'w wneud;
- Gweithgareddau o natur wleidyddol neu hynod grefyddol;
- Gweithgareddau a ariennir yn llawn gan ffynonellau eraill;
- Prosiectau sydd wedi'u cwblhau'n llawn;
- Ad-dalu benthyciadau;
- Costau wrth gefn neu amhenodol;
- Costau codi arian;
- TAW sy'n adenilladwy gan dderbynnwyd y grant gan Gyllid a Thollau Ei Fawrhydi;
- Cyfraniadau mewn nwyddau;
- Taliadau llog neu daliadau tâl gwasanaeth ar gyfer prydlesi ariannol;
- Anrhegion;
- Dirwyon statudol, dirwyon troseddol neu gosbau sifil, difrod neu unrhyw gostau cyfreithiol cysylltiedig;
- Drwgddyledion partion cysylltiedig;
- Talu am ddiswyddiad annheg neu iawndal arall;
- Dibrisiad, ad-daliad neu amhariad ased y mae derbynnwyd y grant yn berchen arno;
- Caffael neu wella asedau gan dderbynnwyd y grant (oni bai bod y grant wedi'i ddyfarnu at y diben hwn – bydd hynny wedi'i nodi yn y Llythyr Cyllid Grant os yw'ch cais yn llwyddiannus);
- Costau a gafwyd cyn cymeradwyo'r cyllid, oni bai bod Cyngor Bwrdeistref Sirol Conwy wedi cytuno i gwrdd â'r costau hynny;
- Ceisiadau gan sefydliadau nad ydyn nhw'n cydymffurfio â gofynion eu rheoleiddwyr (e.e. Comisiwn Elusennau, OSCR, neu Dŷ'r Cwmnïau);

- Lobïo a delir amdano, sy'n golygu defnyddio'r grant i ariannu lobïo (drwy gwmni allanol neu staff mewnol) er mwyn cynnal gweithgareddau i ddylanwadu neu geisio dylanwadu ar y senedd, llywodraeth neu weithgarwch gwleidyddol; neu geisio dylanwadu deddfwriaeth neu gam gweithredu rheoleiddiol;
- Defnyddio'r grant i alluogi un rhan o'r llywodraeth i herio rhan arall ar destunau nad ydyn nhw'n gysylltiedig â phwrpas cytunedig y grant;
- Defnyddio'r grant i ddeisebu am gyllid ychwanegol;
- Treulïau fel diddanu, sy'n ceisio dylanwadu ar newid i bolisi llywodraeth.

Paratoi eich cais

Rydym ni wedi darparu canllawiau i'ch helpu chi i lenwi'r ffurflen gais. Gallwch gael hyd i'r rhain ar dudalen 9.

Mae angen i chi ystyried cymhwysedd eich prosiect drwy adolygu ymyriadau, allbynnau a chanlyniadau UKSPF (mae W34-W53 yn berthnasol i'r gronfa hon) ac ystyried sut y bydd yn diwallu anghenion ac uchelgeisiau'r meysydd lle byddwch yn cyflawni.

Casglwch yr holl wybodaeth ofynnol drwy adolygu'r fersiwn all-lein o gwestiynau'r cais - rydym wedi darparu fersiwn Microsoft Word o'r ffurflen y gellir ei defnyddio i'ch helpu i baratoi eich cyflwyniad. Mae'r fersiwn all-lein i'w ddefnyddio fel canllaw yn unig ac mae angen cyflwyno pob cais trwy'r porth ar-lein.

Mae'n rhaid i chi hefyd lenwi 'Llyfr Gwaith Cynllun a Chostau'r Prosiect' a'i uwchlwytho fel rhan o'ch cais.

Atebwch bob cwestiwn. Os nad yw'r cwestiwn yn briodol i'ch sefydliad neu brosiect, ysgrifennwch 'Amherthnasol/Amh.

Mae yna ddogfennau a all eich helpu chi i baratoi eich cais sydd ar gael ar ein gwefan: [Cronfa Ffyniant Gyffredin y DU- Cronfeydd Allweddol - Cyngor Bwrdeistref Sirol Conwy](#).

Mae'r rhain yn cynnwys:

- Cynllun Corfforaethol Cyngor Bwrdeistref Sirol Conwy
- Strategaeth Twf Economaidd Conwy
- CREU Conwy – Tanio'r Fflam, Strategaeth Ddiwylliannol Bwrdeistref Sirol Conwy 2021-26
- Deddf Llesiant Cenedlaethau'r Dyfodol
- Cynllun Sgiliau a Chyflogaeth Gogledd Cymru 2023-2025

Os yn berthnasol, fe ddylech chi hefyd ystyried, a chynnwys, sut mae'ch prosiect yn cefnogi Cynlluniau Ardal/Lle neu strategaeth Cyngor Tref a Chymuned.

Tystiolaeth i gefnogi'ch cais

Mae'n bwysig sicrhau bod eich ffurflen gais wedi'i llenwi'n iawn a bod yr holl ddogfennaeth ategol yn cael ei chynnwys ar adeg ei chyflwyno.

Mae'n rhaid i chi hefyd lenwi 'Llyfr Gwaith Cynllun a Chostau'r Prosiect' a'i uwchlwytho fel rhan o'ch cais.

Mae'r llyfr gwaith hwn ar gael ar ein gwefan.

Yn ogystal â'r ffurflen gais a'r llyfr gwaith, dylid cyflwyno'r wybodaeth ganlynol:

- Copi o gyfriflen banc diweddaraf eich grŵp neu sefydliad
- 3 blynedd o gyfrifon archwiliedig
- Copi wedi'i lofnodi o'ch cyfansoddiad neu ddogfen gyfatebol
- Costau fesul eitem
- Strwythur eich grŵp, i gynnwys swyddog cyllid/trysorydd
- Tystiolaeth o ffynonellau cyllid eraill (arian cyfatebol) – gwybodaeth am unrhyw grant arall y gwnaethpwyd cais amdanynt ar gyfer y prosiect. Os yw'ch grŵp/sefydliad yn darparu cyllid cyfatebol yna mae'n rhaid i chi ddarparu cyfriflen banc sy'n cadarnhau bod y swm a nodir yn eich cais ar gael.

Os yn berthnasol i'ch prosiect, fe allwch chi hefyd gyflwyno:

- Dyfynbrisiau ac amcanbrisiau (yn unol â'r trothwyon caffael ar dudalen 6)
- Tystiolaeth o ymgynghori
- Tystiolaeth o gefnogaeth gan unrhyw sefydliad arall
- Tystiolaeth o'r angen yng Nghonwy – megis data ystadegol / ymchwil.
- Copi o gynllun busnes / cynllun gweithredu

Bydd y dystiolaeth y byddwch yn ei chyflwyno i gefnogi'ch cais yn cael ei gwirio. Os nad yw'r dystiolaeth yn gyflawn neu os oes unrhyw anghysondeb yna bydd gofyn i chi gyflwyno'r dystiolaeth berthnasol. Fe all hynny wedyn achosi oedi wrth ystyried eich cais.

Mae CBSC yn cadw'r hawl i ofyn am wybodaeth ychwanegol yn ôl ei ddisgresiwn ei hun.

Caffael – Dyfynbrisiau

Os yn briodol, mae'n rhaid i chi ddarparu dyfynbrisiau gyda'ch cais.

Mae'n rhaid i bob proses dendro fod yn gystadleuol, agored, teg a thryloyw i ddangos bod gwerth am arian wedi'i gyflawni ar gyfer defnyddio cyllid cyhoeddus, beth bynnag yw gwerth y gwaith.

Dylid dilyn y weithdrefn ganlynol ar gyfer nwyddau, gwaith a gwasanaethau, oni bai bod eich trothwyon ariannol eich hun yn is:

Gwerth y contract	Y gofyniad lleiaf
Hyd at £2,499	Dyfarniad uniongyrchol
Rhwng £2,500 a £14,999	O leiaf 1 dyfynbris ysgrifenedig yn erbyn manyleb a phris
Rhwng £15,000 a £50,000	O leiaf 3 dyfynbris ysgrifenedig yn erbyn manyleb a phris
Rhwng £50,000 a throthwy'r Cyfnodolyn Swyddogol yr Undeb Ewropeaidd	Proses dendro ffurfiol – bydd yn rhaid llunio hysbyseb gyhoeddus i ddenu cynigwyr ar gyfer y gwaith (GwerthwchiGymru) Trothwyon Cyfnodolyn Swyddogol yr Undeb Ewropeaidd (2022) Nwyddau a Gwasanaethau £213,477 Gwaith £5,336,937 “Trefn Cyffyrddiad Ysgafn” y Gwasanaethau Cymdeithasol £663,540

Mae'n rhaid i'r dyfynbrisiau fod yn enw eich sefydliad, gyda chyfeiriad a manylion cyswllt y cyflenwr, yn ogystal â'u Rhif Cofrestru Cwmni a'u rhif TAW os yn berthnasol.

Os nad ydych chi'n dilyn y broses gaffael yn iawn neu os ceir gwrthdaro buddiannau rhwng aelodau o'r sefydliad a'r cyflenwyr, fe allwch chi fod yn peryglu dyfarniad y grant neu orfod ad-dalu'r grant.

Ble bynnag y bo'n bosibl, dylai prosiectau hefyd ystyried a gweithredu:

- mesurau cynaliadwy a gwyrdd mewn cynlluniau caffael, sy'n cyd-fynd â strategaeth sero net Llywodraeth y DU;
- caffael arloesol, yn cynnwys ystyried cynnwys gwerth cymdeithasol yn y broses gaffael; a
- mentrau, canllawiau a pholisïau'r llywodraeth, fel y Llyfrynnau Caffael, Ymgynghori ac Adeiladu, y Llyfryn Contractau Allanol a chanllawiau'r llywodraeth ar Gynllunio Penderfyniadau.)

Cyflwyno eich cais

Mae'n rhaid cyflwyno ceisiadau ar-lein – rydym wedi darparu fersiwn Microsoft Word o'r

ffurflen, y gellir ei defnyddio i'ch helpu i baratoi eich cais.

Asesu eich cais

Caiff yr asesiad ei gynnal gan banel cyllido grantiau sy'n cynnwys uwch swyddogion profiadol, Cynghorwyr Sir a chynrychiolwyr allanol, a fydd yn barnu pa mor dda mae'ch cais yn cyflawni ymyriadau, allbynnau a chanlyniadau'r Gronfa Ffyniant Gyffredin. Bydd hyn yn cael ei dafoli yn erbyn lefel y risgiau sydd ynghlwm wrth eich prosiect, y tebygrwydd o dderbyn y cyllid llawn, yr amserlen er mwyn cyflawni a pha gynlluniau sydd gennych chi yn eu lle i liniaru'r risgiau hyn.

Yn ogystal â'r uchod, ble y bo'n briodol, byddan nhw hefyd yn asesu:

- I ba raddau mae'r prosiect yn cyfrannu at gynlluniau a strategaethau lleol
- Tystiolaeth i ddangos yr angen lleol am y prosiect/gwasanaeth
- Y budd i gymunedau ac ymwelwyr Conwy
- Y cyfranogiad lleol wrth gynllunio'r prosiect
- Cefnogaeth y gymuned i'r prosiect
- Cefnogaeth y Cynghorydd Sir i'r prosiect
- Gwerth am arian y prosiect gorffenedig
- Dichonoldeb ariannol y sefydliad

Os yw eich cais yn llwyddiannus

Os bydd eich cais yn llwyddiannus, bydd y grant yn cael ei dalu ar ôl i chi gwblhau'r gwaith ac ar ôl derbyn anfonebau a derbynebau ar gyfer y gwaith sydd wedi'i wneud. Mae'n bosibl y byddwn yn ystyried taliadau interim.

Bydd yn rhaid i chi lofnodi Llythyr Derbyn Grant a fydd yn amlinellu amodau'r cyllid – bydd hyn yn cynnwys (nid yw hon yn rhestr lawn):

- Dyddiad cwblhau gweithgareddau'r prosiect.
- Y broses hawlio ac adrodd – bydd arnoch chi angen cyflwyno adroddiadau ar gynnydd, hawliadau ariannol a thystiolaeth i ddangos eich bod chi wedi cyrraedd eich targedau. Bydd amserlen y rhain yn dibynnu ar eich prosiect. Ble bo'n briodol, fe all hyn hefyd gynnwys ymweliadau safle gan swyddogion CBSC.
- Canllawiau Marchnata a Chyhoeddusrwydd – bydd arnoch chi angen dilyn y canllawiau a ddarparwn, a all gynnwys gosod plac a/neu gydnabod y cyllid ar eich gwefan. Fe all hyn hefyd gynnwys ymweliadau, ffotograffau ac astudiaethau achos. Drwy dderbyn y grant rydych chi'n rhoi caniatâd i ni hysbysebu dyfarniad eich grant a manylion eich prosiect e.e. ar ein gwefan, yn y wasg neu drwy ddulliau eraill
- Cadw dogfennau'r prosiect – bydd arnoch chi angen cadw pob gohebiaeth, anfoneb, derbynneb, cofnod cyfrifo, cyfriflen banc ac unrhyw ddogfen arall sy'n ymwneud â'ch prosiect a'r gwariant tan 31 Rhagfyr 2034.

Rheoli Cymorthdaliadau

Os yw'ch cais yn llwyddiannus, rydym ni'n bwriadu dyfarnu'r grant dan Symiau Bach o Gymorth Ariannol lle bo angen.

Cwblhau'r Ffurflen Gais

Cyn i chi ddechrau Er mwyn i'ch cais gael ei ystyried mae'n rhaid i chi ddarparu'r wybodaeth a ofynnir amdani yn y ffurflen ar-lein, ynghyd â dogfennau perthnasol eraill – ceir rhestr o'r rhain ar dudalen 5.

Gwnewch yn siŵr eich bod wedi darllen y canllawiau a roddir cyn dechrau ar y broses ymgeisio

Unwaith rydych wedi cychwyn eich cais, gallwch arbed y ffurflen a dod nôl ati i'w chwblhau yn hwyrach os oes angen

I wneud hyn, bydd angen i chi ddarparu cyfeiriad e-bost yn y maes "Cyfeiriad E-bost yr Ymgeisydd"

Pan rydych yn dymuno arbed eich cynnydd, cliciwch ar y botwm "cadw" ar waelod y sgrin.

Dylech dderbyn neges e-bost i'r cyfeiriad e-bost a roddwyd gennych o fewn rhai munudau, yn cynnwys dolen i'ch ffurflen a arbedwyd.

Bob tro y byddwch yn cadw eich cais, anfonir dolen atoch – defnyddiwch y ddolen ddiweddaraf i gael mynediad i'r ffurflen rydych wedi'i harbed.

Manylion y Sefydliad

Rhowch enw eich sefydliad. Dylai hyn fod yr un peth â'ch cyfrif banc. Mae'n rhaid i bob ymgeisydd gael cyfansoddiad (neu debyg) a chyfrif banc

Cadarnhewch Statws Cyfreithiol eich sefydliad drwy ddewis o'r gwymplen - cofiwch gynnwys eich Rhif Cofrestru Tŷ Cwmnïau neu Rif Cofrestru Elusen (os yw'n berthnasol)

Cadarnhewch os yw eich sefydliad wedi cofrestru at ddibenion TAW, ac os felly, rhowch eich Rhif Cofrestru TAW

Manylion Cyswllt

Cofnodwch fanylion cyswllt un cyswllt cynradd ac un cyswllt eilaidd ar gyfer eich sefydliad.

Dylai un cyswllt fod yr unigolyn sy'n arwain y cais, neu sydd â chyfrifoldeb dydd i ddydd ar gyfer cyflawni'r prosiect. Dylai'r ail cyswllt fod yn Swyddog Cyllid/Cyfarwyddwr.

Ynglŷn â'r prosiect Yn yr adran hon, hoffwn eich bod yn dweud wrthym am eich prosiect, pam fod ei angen, a sut mae'n cefnogi cynlluniau a strategaethau lleol.

Gellir dod o hyd i ddogfennau a allai eich helpu i baratoi ar ein

gwefan.

Os yw'n berthnasol, ystyriwch hefyd sut mae eich prosiectau'n cefnogi anghenion a strategaethau lleol.

Manylion y Prosiect - Dywedwch wrthym am eich prosiect (dim mwy na 500 gair).

- Beth ydych chi eisiau ei wneud?
- Pam rydych chi eisiau gwneud hyn?
- Pwy fydd y buddiolwyr/a faint?

Pa wahaniaeth fydd y prosiect yn ei wneud?

Pam fod angen y prosiect yn yr ardal? Eglurwch sut rydych wedi ymgynghori a pha dystiolaeth o angen sydd gennych?

Dylai'r adran hon gynnwys sut fyddai'r angen ar gyfer y prosiect yn cael ei nodi.

Cyllid y Prosiect

Yn yr adran hon, hoffem wybod am gyllid eich prosiect.

Cadarnhewch faint o gyllid rydych yn gwneud cais amdano gan Gronfa Allweddol UKSPF Conwy - dyma fydd cost derfynol eich prosiect, ac eithrio'r cyllid cyfatebol.

Cyllid cyfatebol yw cyllid o ffynonellau eraill, a fydd hefyd yn cael eu defnyddio i dalu am gostau'r prosiect. Gall hyn gynnwys grantiau eraill, cyllid eich hun, ac ati.

Cyn cyflwyno eich cais i ni, sicrhewch fod gennych ffigur realistig ar gyfer y gwaith arfaethedig.

Bydd angen i chi ddangos sut mae eich cyllid cyfatebol yn cael ei ariannu, a byddwn yn gofyn i chi uwchlwytho hyn yn yr adran 'Dogfennau Ategol'.

Rheoli Cymorthdaliadau

Cadarnhewch a yw'r ymgeisydd wedi derbyn unrhyw gymorth sector cyhoeddus trwy gynllun Cymorth Ariannol Lleiaf (MFA), Cymorth Gwladwriaethol De Minimis, Symiau Bach o Gymorth Ariannol (SAFA) neu Hawl Arbennig Tynnu Arian dros y 3 blynedd ddiwethaf.

Gwybodaeth arall

Y Gymraeg

Nodwch a oes gan y sefydliad Bolisi neu Ddatganiad y Gymraeg.

Sero Net a'r Effaith Amgylcheddol

Disgrifiwch sut rydych wedi ystyried effaith amgylcheddol ac ecolegol eich prosiect ac, os yw'n addas, sut mae eich cynnig yn cefnogi polisiau Sero Net Llywodraeth y DU a Llywodraeth Cymru, neu uchelgeisiau amgylcheddol ehangach.

<https://www.gov.uk/government/publications/net-zero-strategy>

<https://www.llyw.cymru/cymru-sero-net>

Cydraddoldeb

Disgrifiwch sut rydych wedi ystyried effeithiau eich cynnig o ran cydraddoldeb, y grwpiau perthnasol a gaiff eu heffeithio ar sail nodweddion a ddiogelir, ac unrhyw fesurau rydych chi'n eu cynnig gan ymateb i'r effeithiau hyn.

Datganiad a Llofnod Cwblhewch yr adran hon, gan roi tic ymhob blwch i ddangos eich bod wedi darllen a deall pob pwynt, ac wedi rhoi'r caniatâd perthnasol.

Os oes gwrthdaro buddiannau yn dod i'r amlwg ar ôl i chi dderbyn y grant, efallai bydd gofyn i chi ei ad-dalu os na chafodd y rhain eu datgan cyn cymeradwyo'r prosiect neu yn ystod y broses gaffael.

Dogfennau Ategol Yn ogystal â'ch cais ar-lein fe allwch chi hefyd uwchlwytho eich dogfennau ategol yn yr adran hon.

Mae'n rhaid i chi hefyd lenwi 'Llyfr Gwaith Cynllun a Chostau'r Prosiect' a'i uwchlwytho fel rhan o'ch cais.

Mae CBSC yn cadw'r hawl i ofyn am wybodaeth ychwanegol yn ôl ei ddisgresiwn ei hun.

Llyfr Gwaith Cynllun a Chostau'r Prosiect (dogfen Excel)

Mae'n rhaid uwchlwytho'r ddogfen hon gyda'ch dogfennau ategol

Allbynnau a Chanlyniadau Dywedwch wrthym ba ymyrraeth Pobl a Sgiliau fydd eich prosiect yn ei ddarparu. Bydd angen i'ch cais gefnogi darpariaeth un o ymyrraethau Pobl a Sgiliau (W34-43) neu Lluosi (W44-W3) UKSPF.

Dylech hefyd gynnwys manylion ynglŷn â sut fydd eich prosiect yn cyflawni'r Allbynnau a Chanlyniadau cysylltiedig. Yn cynnwys targed yn erbyn bob allbwn a chanlyniad.

Cyfeiriwch at Ymyriadau, Amcanion, Canlyniadau ac Allbynnau Cronfa Ffyniant Gyffredin y DU - Cymru i gael rhestr lawn - mae ymyriadau W34-W53 yn berthnasol i'r gronfa hon.

Bydd y wybodaeth yn yr adran hon yn cael ei defnyddio i asesu gwerth am arian, h.y. a yw'r costau ar gyfer y prosiect yn gymesur i'r allbynnau, canlyniadau a buddiolwyr.

Costau'r Prosiect

Yn yr adran hon bydd arnoch chi angen darparu crynodeb o gostau'r prosiect a phryd rydych chi'n rhagweld y bydd y gwariant yn cael ei wneud.

Cyn cyflwyno'r cais, gwiriwch gywirdeb y gyllideb i sicrhau nad oes gwallau, a bod y cyfansymiau'n gywir.

Ar dudalen 6 rydym ni wedi darparu manylion ynglŷn â'r weithdrefn mae'n rhaid i chi ei dilyn i geisio cael dyfynbrisiau ar gyfer eich prosiect.

Pecyn Ariannu

Nodwch sut bydd eich prosiect yn cael ei ariannu.

Ychwanegwch gofnod ar gyfer eich cais am grant cronfa allweddol UKSPF fel ffynhonnell cyllid ar wahân.

Cerrig Milltir y Prosiect

Dywedwch wrthym sut fydd eich prosiect yn cael ei gyflawni. Pwy fydd yn arwain y prosiect? A fydd yna unrhyw bartneriaid cyflawni neu fudd-ddeiliaid? Beth fydd eu rôl? Pa brofiad sydd gennych o gyflawni prosiectau?

Cadarnhewch ddyddiadau cychwyn a gorffen.

Ychwanegwch gerrig milltir eich prosiect:

- Teitl
- Disgrifiad
- Pryd ydych chi'n disgwyl i'r garreg filltir gael ei chwblhau?

Risgiau'r Prosiect

Mae gofyn i chi ddarparu cofrestr risg ar gyfer eich prosiect

- Pwy sy'n gyfrifol am reoli'r risg, y Perchennog
- Tebygolrwydd o'r risg yn digwydd - a yw'r tebygolrwydd yn uchel, canolig neu isel
- Beth fyddai effaith y risg - uchel, canolig, isel
- Y cynlluniau lliniaru sydd mewn grym er mwyn rheoli'r risg rhag digwydd, neu i fynd i'r afael â'r risg os yw'n digwydd